

शि॒खान्यत्रापनि॒दधतुरथा॒श्वस्य शि॒र आ॒कृत्य त॒द्वास्य प्र॒तिदधतुस्तेन॒ द्वाभ्याम॒नू-
 वाच स॒ यदा॒भ्याम॒नूवाचा॒यास्य तदिन्द्रः॑ शि॒रश्चि॒ह्नेदा॒यास्य स्व॒ऽ शि॒र आ॒कृत्य
 त॒द्वास्य प्र॒तिदधतुः॑ ॥ २४ ॥ त॒स्मादे॒तद॒पिणाभ्य॒नूक्तम् । दध्य॒ङ् रु यन्म॒धाय॒र्वणो
 वाम॒श्वस्य शी॒र्क्षा प्र यदी॒मुवाचे॒त्यय॒तं त॒दुवाचे॒ति है॒वैत॒दुक्तम्॑ ॥ २५ ॥ तन्न॒ सर्व-
 स्मा॒ऽअनु॒ब्रूयात् । ए॒नस्य॒ऽ हि तद॒यो ने॒न्म॒ऽइन्द्रः॑ शि॒रश्चि॒ह्नद॒दिति॒ यो न्वे॒व
 ज्ञात॒स्तस्मै॒ ब्रूया॒द्य यो॒ऽनूचा॒नो॒ऽथ यो॒ऽस्य प्रि॒यः स्यान्न॒ त्वेव॒ सर्व॒स्मा॒ऽइव॑ ॥ २६ ॥
 सं॒वत्स॒रवा॒सिने॒ऽनु॒ब्रूयात् । एष॒ वै सं॒वत्स॒रो य एष॒ तप॒त्येष॒ उ प्र॒वर्ग्य॒स्तदे॒तमे॒-
 वैत॒त्प्री॒णाति॒ तस्मात्सं॒वत्स॒रवा॒सिने॒ऽनु॒ब्रूयात्॑ ॥ २७ ॥ ति॒स्रो रा॒त्रीर्व्र॒तं च॒रति॒ ।
 त्रयो॒ वा॒ऽऋ॒तवः॑ सं॒वत्स॒रस्य॒ सं॒वत्स॒र एष॒ य एष॒ तप॒त्येष॒ उ प्र॒वर्ग्य॒स्तदे॒तमे॒वै-
 त॒त्प्री॒णाति॒ तस्मात्ति॒स्रो रा॒त्रीर्व्र॒तं च॒रति॑ ॥ २८ ॥ त॒प्तमा॒चाम॒ति । तप॒स्यनु॒ब्रवा॒
 ऽइत्य॒मा॒ऽसा॒श्वनु॒ब्रूते॒ तप॒स्यनु॒ब्रवा॒ऽइति॑ ॥ २९ ॥ अ॒मृन्म॒यपा॒यी । अ॒स्ति वा॒ऽअ-
 स्या॒ऽ स॒ऽसृ॒ष्टमि॒व य॒दस्याम॒नृतं॒ व॒दति॒ तस्मा॒द॒मृन्म॒यपा॒यी ॥ ३० ॥ अ॒शूद्रो॒हि॒ष्टी ।
 एष॒ वै ध॒र्मो य एष॒ तप॒ति सैषा॒ श्रीः सत्यं॑ ज्योति॒रनृ॒त॒ऽ स्त्री शू॒द्रः श्वा कृ॒क्षः
 शकु॒निस्त॒ानि न प्रे॒क्षेत॒ ने॒ह्रियं॑ च पा॒प्मानं॑ च ने॒ज्ज्यो॒तिश्च॒ तमश्च॑ ने॒त्सत्या॒नृते॒
 स॒ऽसृ॒जानी॒ति ॥ ३१ ॥ अथैष॒ वाव॒ यशः॑ । य एष॒ तप॒ति तद्य॒त्तदा॒दित्यो॒ यशो॒
 यज्ञो॒ है॒व तद्य॒शस्तद्य॒त्तद्य॒ज्ञो य॒शो य॒ज्ञमा॒नो है॒व तद्य॒शस्तद्य॒त्तद्य॒ज्ञमा॒नो य॒श
 ऋ॒त्वि॒ज्ञो है॒व तद्य॒शस्तद्य॒त्तद्वि॒ज्ञो य॒शो द॒क्षिणा॒ है॒व तद्य॒शस्त॒स्माद्या॒मस्मै द॒-
 क्षिणा॒मान॒येयु॒र्न ता इ॒त्सद्यो॒ऽन्य॒स्मा॒ऽअति॒दिशे॒न्नेद्य॒न्मेदं॑ य॒श आ॒गंस्त॒त्सद्यो॒ऽन्य॒-
 स्मा॒ऽअति॒दिशानी॒ति श्वो॒ वैव॒ भूते॒ द्यहे॒ वा त॒दात्म॒न्ये॒वैतद्य॒शः कृ॒त्वा य॒दे॒व तद्व॒-
 वति॒ तत्स॒ द॒दाति॒ हिर॒ण्यं गां॒ वासो॒ऽश्च॒ वा ॥ ३२ ॥ अथै॒तद्वा । ऽआ॒युरे॒तज्ज्यो॒-
 तिः प्र॒विश॒ति य ए॒तम॒नु वा ब्रू॒ते भ॒क्षय॒ति वा त॒स्य व्र॒तच॒र्या ना॒तप॒ति प्र॒ह्लाद॒-
 ये॒त ने॒दे॒तस्मा॒त्तिरो॒ऽसानी॒ति ना॒तप॒ति नि॒ष्ठीवे॒न्नेदे॒तम॒भिनि॒ष्ठीवा॒नीति॒ ना॒तप॒ति